

PERTANYAAN DEWAN RAKYAT

PERTANYAAN : LISAN
DARIPADA : YB. DATO' WIRA OTHMAN BIN ABDUL
KAWASAN : PENDANG
TARIKH : 28 MEI 2015, KHAMIS

SOALAN:

YB. DATO' WIRA OTHMAN BIN ABDUL (PENDANG) minta **MENTERI KERJA RAYA** menyatakan bilakah jalan raya empat lorong dari Kota Sarang Semut ke Pekan Pendang dan naik taraf jalan dari Pekan Pendang ke Sungai Tiang yang ditangguhkan akan dimulakan.

JAWAPAN:

Tuan Yang Di-Pertua;

Untuk makluman Ahli Yang Berhormat, skop projek menaik taraf Jalan Pendang – Sungai Tiang – Kota Sarang Semut, Kedah melibatkan naik taraf jalan sedia ada kepada laluan 4 lorong 2 hala ('dual carriageway') sepanjang 25 km dengan reka bentuk piawaian JKR R5.

Projek ini akan dipecahkan kepada 4 fasa pelaksanaan, iaitu seperti berikut:

Fasa 1: dari pekan Pendang Ke Kampung Sawa Kecil (10 km);

Fasa 2: dari Kobah ke Pekan Pendang (2.5 km);

Fasa 3: dari Kampung Sawa Kecil Ke Sungai Tiang (8 km); dan

Fasa 4: dari Kota Sarang Semut Ke Kobah (4.5 km).

Untuk makluman Yang Berhormat, kementerian ini telah mengemukakan permohonan semula pelaksanaan projek ini dalam RMKe-11. Walau bagaimanapun ia tertakluk kepada kelulusan peruntukan daripada Agensi Pusat yang dijangka akan diketahui pada bulan Jun 2015 ini.

Sekian. Terima kasih.